

CONVENIO DE COLABORACIÓN ENTRE A FUNDACIÓN CIDADE DA CULTURA DE GALICIA E A DEPUTACIÓN PROVINCIAL DE OURENSE PARA A ITINERANCIA DA EXPOSICIÓN TEMPORAL "A VÍA DA PRATA. AIRES DO SUR"

MEMORIA XUSTIFICATIVA

A Directora Xerente da Fundación Cidade da Cultura de Galicia, **DECLARA:**

Que esta Fundación Cidade da Cultura de Galicia formalizou o 13 de xuño de 2024 coa DEPUTACIÓN DE OURENSE o instrumento convencional arriba referido por unha duración necesaria para a itinerancia da exposición temporal "A Vía da Prata. Aires do Sur".

Que o instrumento convencional ten por obxecto:

a colaboración entre a Fundación e a Deputación, para que a exposición "A VÍA DA PRATA. Aires do Sur" itineare ao Centro Cultural Marcos Valcárcel da Deputación Ourense para a súa exhibición pública do 18 de xuño de 2024 e 1 de setembro de 2024.

Que o instrumento convencional que se pretende asinar se fundamentan no seguinte:

A Fundación Cidade da Cultura de Galicia como organización de natureza fundacional, de interese galego, sen ánimo de lucro, cun patrimonio afecto de maneira duradeira á realización dos fins de interese xeral propios da Institución promove aquelas actuacións que se consideren necesarias para dinamizar o sistema cultural galego, promovendo a difusión e conservación da cultura galega, e a formación dunha comunidade artística vibrante, atendendo tanto a autores de referencia como a novos talentos ou á cultura de base.



Para a consecución dos fins mencionados no apartado anterior, a fundación pode realizar, entre outras, as seguintes actividades:

- a) As necesarias para converterse nun actor clave na difusión cultural, que serva de punto de encontro entre os cidadáns e a cultura.
- b) As que contribúan a desempeñar un papel destacado no proceso de enriquecemento/aprendizaxe cultural da cidadanía, con especial énfase na adopción e uso das novas tecnoloxías.
- c) As que fomenten a interrelación e os proxectos en conxunto entre axentes de distintos ámbitos das industrias culturais e creativas, con especial énfase na cooperación interrexional e a colaboración pública e privada.

Neste contexto, a Fundación organiza a exposición **"A VÍA DA PRATA. Aires do Sur"** terá lugar na Sala 2 do Centro Cultural Marcos Valcárcel, e ten prevista a súa inauguración o 18 de xuño de 2024 e a súa clausura o 1 de setembro de 2024.

A exposición **"A VÍA DA PRATA. Aires do Sur"** un proxecto expositivo e editorial que propón un diálogo entre a fotografía do pasado e unha mirada actual ás realidades e paisaxes que conforman o itinerario do Camiño desde o Sur. Moitos son os camiños que conducen ao encontro cos restos do apóstolo Santiago. Todos eles convidánnos a reflexionar ao redor da diversidade e interrelación entre tradicións e culturas.

Pola súa parte, a DEPUTACIÓN PROVINCIAL DE OURENSE foi creada como institución pública que presta servizos directos aos cidadáns e presta apoio técnico, económico e tecnolóxico aos concellos da provincia de Ourense. No eido cultural, a Deputación promove e fomenta toda clase de actividades que permitan coñecer o patrimonio cultural e artístico da provincia, poñendo en



valor aqueles proxectos que favorezan a promoción cultural e artístico ourensá.

poñan de relevancia o camiño de Santiago, tratándose dun obxectivo estratéxico dinamizador da provincia, debido ao gran atractivo turístico da Vía da Prata; cabe lembrar que esta Vía entra en Galicia por A Mezquita e é o camiño xacobeo galego de maior percorrido. Este tramo do camiño de Santiago, coñecido tamén como Camiño Mozárabe, percorre o final da Vía da Prata, e é probablemente un dos máis bonitos de todos os "últimos 100 km" que chegan Santiago de Compostela.

Así mesmo, o Centro Cultural Marcos Valcárcel de Ourense, polas súas características é o contenedor cultural idóneo para que a exposición "A VÍA DA PRATA. Aires do Sur" se exhiba en Ourense; situado na rúa Progreso, este centro dispón de tres salas expositivas e é titularidade da Deputación de Ourense, o que motiva a sinatura do presente convenio con esta entidade. As dúas principais salas de exposicións, Sala 1 e Sala 2, situadas respectivamente na planta baixa e na primeira planta, constan ambas dunha superficie de 400 m² e dispoñen dos medios técnicos precisos para albergar pezas con características de préstamo complexas.

Polo anterior, a Fundación e a Deputación, no convencemento da relevancia deste fito histórico, entenden necesario a difusión da conmemoración desta efeméride, para o que conveñen en acordar a itinerancia da exposición temporal exposición "A VÍA DA PRATA. Aires do Sur" ao Centro Cultural, unha vez se clausure a mesma no Museo Centro Gaiás (Cidade da Cultura de Galicia).

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.



En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

Ana Isabel Vázquez Reboredo
Directora Xerente
Fundación Cidade da Cultura de Galicia

